

江左殷邁書



一應天故文獻地自

國朝建都來迄無專志茲

事屬創始遺舛寔煩揆萃厥成以俟君子

一紀所詳沿革戰爭惟關於郡者書之灾祥不別

志省煩也

一志主記事不敢僭有褒貶然正統分餘不容無

辨其編年義例畧取綱目爲正

前代郡守稽之史牒槩可表見丞令而下闕如

此偽授及未履任削不書

文分野事屬微渺土產非專八邑貢獻總之
太常故不志

一志以郡名凡

宮闕都城臺省苑囿皆不得書

一儒學不列建置

一廟不列祠祀重道也鄉賢名宦則置祠祀中

一宦蹟惟傳守令而下有蹟可紀者書之監司部
使非郡所得尊皆不傳

一王兩後裔并 國朝諸賢世家應天者南畿志

入寓非是茲盡入人物中但非隸籍八邑故
別爲卷

一今昔名賢非可槩論別爲勲封一行傳

一一行列女雖并傳外郡人然惟守土臣及名節
顯著者餘不敢濫及

一志中所載皆據史并一統金陵南畿各邑等志
惟志與史謬戾者則從史而折衷之

應天府志目錄

卷一

郡紀上

卷二

郡紀中

卷三

郡紀下

卷四

石堽表

歷官表上

卷六

歷官表中

卷七

歷官表下

卷八

封爵表上

卷九

封爵表下

卷十

科貢表上

卷十一

科貢表下

卷十二

薦舉表

卷十三

令志

風土志

卷十五

山川志

卷十六

建置志

卷十七

官職志

卷十八

學校志

卷十九

田賦志

卷二十

祠祀志

卷二十一

雜志上

卷二十二

雜志中

十三

雜志下

卷二十四

宦蹟傳一

卷二十五

宦蹟傳二

卷二十六

人物傳一

卷二十七

人物傳二

卷二十八

人物傳三

卷二十九

勳封傳

卷三十

一行傳

卷三十一

女傳

雜傳

應天府志目錄





應天府志卷一

郡紀上

地緣制定政以代殊維是神州允關

帝室繇今邇昔治忽可稽舉要芟繁鑒觀有賴作郡

紀

唐帝堯八十載舜既受禪命禹治水成功因定九州

其五曰淮海惟揚州沿于江海達于淮泗今應天

所隸介江南北地當屬揚越一載肇十有二州揚

州故

虞亦舜二十三載禹受命復九州地仍屬揚

二 至禹八歲王巡狩江南

金陵南畿志俱援禹登茅

山無據

商王湯十八祀纘禹舊服為九州州方千里揚居其

一

周武王元年更定九州東南曰揚其川三江其浸五

湖金陵志引地理志水經荊州記云中江逕溧陽

其縣志已辨之虞翻常昭周處鄠道元皆謂洮湖

為五湖之一雖與史記註不同大都近今府境

孝王十三年大雹江凍

靈王十三年秋楚子昭為庸浦之役遣公子貞師于

棠邑以伐吳吳不出而還貞殿以吳為不能而弗

傲吳人自臯舟之隘要而擊之楚人不能相救吳

敗之獲其公子宜穀

棠邑之置已久至是始見春

秋傳即今之六合也

景王五年楚子子圍陷固城吳移瀨渚于陵平山下

名曰陵平

始吳築固城為瀨渚邑京城圖考謂固

城當溧水溧陽之間乾道志在溧水西南九十里

經亦屬之溧水野志今宣城地萬曆志在高淳
言人人殊迥其時寔在溧陽蓋溧水高淳皆自溧
陽而分故其言不同耳瀨即溧也戰國策亦有瀨
湖即此餘詳溧水固城下

十六年楚子棄疾遣蘇迺為將敗吳軍取陵平更名

平陵

迺野志作逸高淳志作代今從金陵志

二十三年三月棠邑大夫伍尚死其父奢之難弟員
以專諸歸吳員後破楚燒固城

敬王二十四年吳子夫差始通江淮

史記丹陽吳地

非特有棠邑也

元王三年越滅吳得其故地以棠邑與楚

四年越築城於長干里名長干城應天有城自此始
安王二十六年越世子諸咎弑其君翳葬大橫山下
山今屬句容

顯王三十七年楚子商既滅越始置金陵邑于石頭
秦始皇帝二十六年改金陵為秣陵縣以平陵置溧
陽縣俱屬鄣郡

伍員行至溧陽中即此以在溧水

之北得名越絕始皇度牛渚奏東安東安今丹陽

與地考以爲漢縣誤矣

更棠邑爲棠邑縣屬

九江郡

二十七年冬帝東巡浮江下過丹陽臨浙江還過吳

從江乘渡遂置江乘縣統於鄣

按括地志丹陽在

江寧縣東南地里志丹陽秦屬鄣郡則縣始於秦

非漢置也綱目質實指丹陽即今隸鎮江者蓋未

考秦爲雲陽曲阿耳江乘縣史記正義并括地志

俱云在句容北通鑑註在建業東北而圖考辨其

在西北蓋本南徐州記建康志但攷諸地理始皇

還過吳遂並海上則正義括地足徵况臨沂自江

乘分豈容在西北哉圖考又以徐盛疑城自石頭

至江乘爲據然盛本傳云綿亘數百里夫自石頭

至幕府山固無數百里也父老謂竹里路昔時路

行山間遠攝山之北由江乘羅落以達建康是江

乘在東北無疑

用望氣者之言鑿鍾阜斷長隴以

泄王氣後人因名曰秦淮

世皇帝二年春楚人項梁以八千人渡江而西陳

嬰英布等以兵屬之衆遂六七萬

元年二月項籍立英布為九江王統棠邑并王鄣郡

漢太祖高皇帝三年十二月九江王布以其地歸漢

五年十二月遣韓信等追楚王籍及之至東城乃有二十八騎籍引騎依四潰山為陣斬漢一將一都尉人數十百於是籍欲東渡烏江亭長艤舡待籍不從乃以所乘騅馬賜亭長殺漢軍數百身亦被十餘創自刎而死楚地悉定
四潰烏江俱在今江浦境

六年十二月封陳嬰為棠邑侯
元鼎元年國除正月

以淮東五十三縣封從兄將軍賈為荆王至十一年賈為英布所殺

十二年十月更以荆為吳國立兄子濞為王統縣如故

孝惠皇帝五年夏大旱江水少

高皇后呂氏三年夏江水溢

夏江溢

景皇帝三年春吳王濞反以周亞夫為太尉將兵

言之大破其軍淩亡走丹陽越人誅淩徙汝南王
非王吳地改號江都

賢太后不許續吳後非年十

五嘗請擊吳故立之

孝武皇帝建元二年七月東甌請舉國內徙遂徙其
衆於江淮間

元光六年析秣陵地封宗室黨為句容侯 元朔元年
國除

元朔元年析江都國地封王子敢為丹陽侯 元狩元

年國除胥行為湖熟侯 元鼎五年國除纏為秣陵

侯 元鼎四年國除上元志表湖熟謂元狩二年分

秣陵置湖熟丹陽元狩在元朔後吳為表之於前

元狩二年江都王建自殺國除地屬廣陵郡

六年四月以廣陵郡封子胥為王冊文曰大江之南

五湖之間人心輕揚揚州保疆三代要服不及以政

鄣郡地屬 廣陵

元鼎元年改棠邑縣為堂邑屬臨淮郡置鐵官 臨淮

置於元符六年棠邑侯國除於是年故縣嘉定未

樂志不同但漢書地理志最核而後之史註類書

稍毋援入東郡何哉夫是地自漢以來或為郡
或為縣皆沿堂邑之名時隸東郡者尚名發干清
與平樂也隋始置堂邑於彼而定六合於此故讀
山東通志而歷觀諸史則隋以上堂邑皆今之六
合隋以下堂邑皆今之堂邑而六合不與焉不可
以不辨

元封元年十月東越殺王餘善以降徙其民江淮間
二年廢鄣郡置丹陽郡設揚州刺史統之領縣十七
江乘秣陵句容丹陽湖熟溧陽與馬又析溧陽南

境置永平尋廢

按金陵志辨丹陽縣在江寧當塗

之間據聞微見其說的矣惟丹陽郡治所景定志
之辨雖詳而猶有未盡金陵志云丹陽郡漢置治
宛陵後漢因之資治通鑑洪适註亦曰西漢丹陽
郡治宛陵綱目質實亦然則今之寧國府也上元
志云丹陽郡即鄣郡治則今之長興縣也景定云
郡治常在建業宮城記云丹陽郡城在長樂橋東
一里則今之聚寶門東城角之內外是也圖考據
之遂列于此以今考之宛陵移於東漢鄣郡廢為

按前二說固為未實若移治建業則斷始自孫吳
觀張紘玄德孔明告大帝之語亦可槩見使原為
治所三公豈不及之惟寧國志直云丹陽郡治姑
熟差為有據蓋武帝因縣以立郡若堂邑縣堂邑
郡之類故太平人物志悉載丹陽郡人蓋謂此也
若宮苑記所云亦自孫吳移治之後晉太康中所
築郡城言之而豈武帝初置之治所哉其餘則景
定志辨之已明又溧陽志建武元年改永平為永
安漢書地理志無永平當以廢為是

孝成皇帝綏和元年五月罷刺史置揚州牧

新莽天秋莽改秣陵曰宣亭江乘曰相武以堂邑隸

淮平郡

金陵志謂改丹陽為宣亭郡者非

世祖光武皇帝建武三年七月遣傅俊徇江東揚州
平

六年移丹陽郡治宛陵統十六城以李忠為太守溧

陽秣陵句容江乘丹陽隸焉湖熟為侯國 按金陵

志云後漢分揚州置吳郡治建業夫吳郡既治建

業則秣陵諸縣豈容遠屬丹陽歷考史傳吳郡之

不在建業甚明

改堂邑屬廣陵郡

孝明皇帝末平十二年堂邑旱

孝安皇帝延光二年七月丹陽山崩四十七所

孝順皇帝永和六年丹陽賊周生等起兵攻沒郡縣
孝冲皇帝永嘉元年正月廣陵賊張嬰據郡反攻殺
堂邑長十一月中郎將滕撫討嬰誅之

孝桓皇帝建和元年揚州饑遣府掾分行賑給

孝靈皇帝建寧二年九月丹陽越賊圍太守陳寅寅
擊破之

熹平三年冬太守陳寅討盜賊苴康斬首數千級

孝獻皇帝興平元年九月以劉繇爲揚州刺史繇逐
丹陽太守吳景都尉孫賁

二年十二月孫策領衆濟江攻劉繇牛渚營盡得印
閣糧穀戰具時薛禮據秣陵笮融屯縣南策皆擊
破之轉攻湖熟江乘句容皆降威振江東

建安元年江淮饑民相食

三年九月以孫策爲討逆將軍封吳侯始立府於秣
陵

五年四月孫策卒弟權代領其衆冬以爲破虜將軍
九年十二月丹陽郡吏殺其太守孫翊翊妻徐氏討
斬之

十七年七月孫權自京口徙治秣陵城楚金陵邑地
號石頭改秣陵爲建業初張紘說權以金陵地勢
岡阜連石頭秦始皇以爲有王者都邑之氣故掘
斷連岡處所具存地有其氣天之所命宜爲都邑
諸葛亮亦曰金陵鍾阜龍蟠石城虎踞真帝王之
宅權遂移居之省湖熟江乘爲典農都尉

十八年正月曹操徙濱江郡縣民驚皆東渡江

二十二年十二月丹陽賊帥費棧作亂扇動山越權
遣陸遜討破之遂部伍丹陽等三郡強者爲兵羸
者補戶得精卒數萬人

二十五年孫權自建業徙治公安以呂範爲建威將
軍領丹陽太守

昭烈皇帝章武元年四月孫權移丹陽治建業領縣

十九

圖考云建安十三年移丹陽郡治建業然十

七年始更名十三年固無建業也金陵志云二十

二年直丹陽郡理于建業權稱二十六年即章武
改元也又志所載治所郡名俱云治建業後二載
乃表郡自建業徙治蕪湖未知何據又析溧陽置

永安尋改永平後復

三國志註永安今武康縣不

容一時頓有兩永安豈作志者誤歟抑此既廢而

移其名于彼歟又金陵志謂改永平爲永安然休

封謙於永安皓封洪於永平志雖無徵年有先後

帝禪建興二年八月魏主丕以舟師伐吳吳安東將

軍徐盛從建業築圍作簿落圍上設疑城假樓自

石頭至江乘聯綿數百里一夕而成又大浮舟艦

于江時江水盛長丕臨望嘆曰魏雖有武騎千群

無所用之未可圖也會暴風至所御龍舟幾覆乃

旋師

二年江東地震魏主丕復以舟師伐吳十月臨江觀

兵戎卒十餘萬旌旗數百里有渡江之志吳人嚴

兵固守時大寒兵舟不得入江丕見波濤洶湧嘆

曰嗟乎固天所以限南北也遂歸

七年九月吳主權還都建業城舊府太初宮居之金

陵建都自吳始

九年五月建業有野蚕成繭大如卵

十二年八月吳以諸葛恪為丹陽太守討山越九月
隕霜傷穀

十四年吳自去年不雨至於夏

十五年五月江東地震八月白麟見建業有赤鳥群
集吳前殿吳主權遂改明年元

延熙二年正月江東地再震

二年吳使左臺侍御郗儉鑿城南自秦淮北抵倉城

名運瀆又自江口沿淮築堤謂之橫塘夾淮立柵

自石頭迄東冶謂之柵塘後二事年無考姑附于此

四年正月大雪平地三尺吳鑿青溪自城北塹洩玄
湖水九曲西南入秦淮魏王芳置淮南屯田開廣
漕渠每東南有事大軍泛舟達于江淮是年康僧
會至建業立壇求舍利吳遂初建初寺居之江南
佛法自此日盛

八年夏震吳宮門柱又擊南津大橋楹八月吳遣陳

勳發屯兵三萬鑿司空中道至雲陽西城以通吳會船艦又鑿破岡瀆立方山埭按金陵志謂吳省溧陽為屯田然芮玄何蔣相繼受封蓋未嘗省也故太康二年不書復

十年吳主權適南宮改作太初宮諸將及州郡皆義作

十一年江東地震

十二年四月有兩鳥啣雀墮吳東館將軍朱據領丞相燎雀以祭

十三年八月丹陽句容諸山崩鴻水溢吳主權原逋責給貸種食十一月遣軍十萬作堂邑涂塘以淹北道

十四年五月吳主權遣中書郎李崇齎印綬迎羅陽王表表至建業為立第于蒼龍門外遂用其語改年立后八月朔大風江海湧溢平地深八尺吳高陵松柏皆拔郡城南門飛落十一月權祭南郊

十五年四月吳主權卒葬蔣山太子亮立徙琅琊王休於丹陽

十六年三月吳諸葛恪率軍伐魏大疫兵卒死者大半十月孫峻伏兵殺恪于殿堂投之石子岡下

十七年七月江溢

十八年十二月吳始作大廟

十九年二月建業火

二十年四月吳習兵於苑中

二十一年九月吳孫綝廢其王亮為會稽王十月迎

立琅琊王休休命丹陽太守李衡還郡加威遠將

軍

景耀元年吳有風四轉五復蒙霧連日

三年吳作浦里塘開丹陽湖田

四年五月大雨吳水泉湧溢

五年二月吳白虎門北樓災八月大風震電水泉涌

溢

炎興元年石頭小城火燒西南百八十丈

吳景帝孫休永安七年七月吳主休殂烏程侯皓立

吳主皓甘露元年九月徙都武昌留御史大夫丁固右將軍

諸葛靚鎮建業

吳寶鼎元年十月未安山賊施但等聚眾數千人劫未安侯謙出烏程取故太子和陵上鼓吹曲蓋比至建業眾萬餘人丁固諸葛靚逆之于牛屯大戰但等敗走謙自殺吳主居武昌揚州民泝流供給甚苦之十二月乃還都建業

二年夏作昭明宮於太初之東二千石以下皆自入山督伐木又攘諸營地大開苑囿起土山作樓觀加飾珠玉窮極侈靡十二月成移居之

吳建衡元年二月天火燒萬餘家死者七百餘人

三年正月舉大眾游華里東觀令華覈等固爭廼還西苑言鳳皇集遂改明年元

鳳凰二年殺司市陳聲投於四望山下

三年自改元及是歲連大疫

天璽元年京下督孫楷叛降晉

天紀三年建業有鬼目菜生工人黃耆家依綠棗樹又有買菜生工人吳平家如枇杷形兩邊生菜綠色東觀案圖名鬼目作芝草買菜作平慮草遂以耆為侍芝郎平為平慮郎皆銀印青綬十一月晉主炎

遣鎮東大將軍司馬佃向涂中安東將軍王渾揚
州刺史周浚向牛渚建威將軍王戎向武昌平南
將軍胡奮向夏口鎮南將軍杜預向江陵龍驤將
軍王濬廣武將軍唐彬浮江東下命賈充爲大都
督持節假黃鉞以冠軍將軍楊濟副之來伐

晉世祖武皇帝太康元年春諸軍並進吳主乃命丞
相張悌督丹陽太守沈瑩護軍孫震副軍師諸葛
靚帥衆渡江逆戰至牛渚沈瑩曰晉治水軍于蜀
久矣恐不能禦宜蓄衆力以俟其來悌曰吳之將
亡非今日也及今渡江猶可決戰坐待敵來君臣
俱降無復一人死難者不亦辱乎三日悌渡江與
揚州刺史周浚戰敗死之時王渾王濬及琅琊王
佃皆迫吳都佃濟自三山遣周浚張喬再破吳軍
於板橋沈瑩孫震皆死建業大震吳主分遣使者
奉書請降壬寅濬戎卒八萬方舟百里鼓譟入于
石頭吳主皓降佃會諸軍入吳都城屯太初宮詔
遣使分行吳境除其苛政改建業仍爲秣陵析秣
陵置臨江縣以堂邑隸臨淮郡

六合志未紀堂邑

所屬從宋書

二年二月丹陽地震改臨江為江寧永安為永世復置建業江乘湖熟及丹陽秣陵句容溧陽隸丹陽郡還治建業初築郡城以秦淮南為秣陵北為建業改業為鄴尋廢江寧

金陵志已表郡領江寧永安

嘉元年始書置何相戾也

九月吳故將莞恭帛奉

舉兵攻殺建鄴令圍揚州徐州刺史稽喜平之十月詔揚州刺史周浚移鎮秣陵

四年冬揚州大水

五年八月丹陽地震

九年正月丹陽地震四月江南地震

十年十二月丹陽地震

孝惠皇帝元康五年六月揚州大水詔遣御史巡行賑貸十二月丹陽建鄴雨雪尋大雪

六年五月揚州大水

七年置堂邑郡於堂邑縣隸揚州

八年九月揚州大水

九年正月丹陽地震

末寧元年趙王倫篡位齊王冏移檄揚州刺史郗隆
舉兵討賊隆奉檄遲疑未決將士憤惋時參軍王
邃鎮石頭將士趣往歸之奉邃攻隆傳首于冏

太安元年有石浮來建鄴入秦淮夏架湖登岸二百
餘步百姓咸驚譟相告曰石來明年石冰入揚州

二年七月石冰寇揚州敗刺史陳徽郡縣盡沒十二
月議郎周玘等起兵江東討冰推前吳興太守顧
秘都督揚州九郡諸軍事傳檄州縣前侍御史賀
循廣陵華潭丹陽葛洪日卓皆起兵應秘冰退趨
壽春征東將軍劉準遣廣陵度支陳敏擊之

永興元年二月陳敏與石冰戰數十合所向皆捷遂
與周玘合攻冰於建鄴三月冰北走斬之揚州平
以敏爲廣陵相析末世置平陵俱屬義興郡尋還
丹陽

二年八月丹陽太守朱建爲揚州刺史曹武所殺十
二月右將軍陳敏舉兵反自號楚公遣弟承攻堂
邑縣令孫混遁遂渡江逐揚州刺史劉機丹陽太
守王曠據江東假顧榮丹陽內史

孝懷皇帝永嘉元年陳敏刑政無章顧榮周玘等憂
之華譚遺榮等書曰敏盜據吳會命危朝露今皇
輿東返俊又盈朝一旦徐州銳鋒南據堂邑征東
勁卒耀威歷陽飛橋越橫江之津泛舟渡瓜步之
渚威振丹陽擒寇建鄴而諸賢何顏見中州之士
耶榮等素有圖敏之心及見書甚慙使征東將軍
劉準發兵臨江已爲內應三月準遣揚州刺史劉
機出歷陽討敏敏遣弟祖屯烏江宏屯牛渚周玘
使人斬祖勒兵朱雀橋南敏又遣甘卓攻玘卓收
船南岸與玘等合攻敏敏自帥衆拒戰軍人隔水
語敏衆曰本所以戮力陳公者以顧丹陽周安豐
耳今皆異矣汝等何爲榮以白羽扇麾之敏衆遂
潰單騎北走追獲斬於建鄴七月以琅琊王睿爲
安東將軍都督揚州江南諸軍事假節鎮建鄴九
月琅琊王自下邳移鎮建業因吳舊都城修而居
之以太初宮爲府舍復置江寧縣治在今城南七
十里南臨浦水水之源出姑熟名江寧浦

三年夏大旱江竭

四年三月琅琊王睿割末世平陵等縣置義興郡以旌周玘之功江東大水

五年司空荀藩移檄征鎮勤王推琅琊王為盟主海內大亂江左差安中原衣冠之族多渡江而南以王導為右將軍揚州刺史監江南諸軍事

六年二月石勒築壘葛陂課農造舟將攻建鄴琅琊王大集江南之眾以紀瞻為揚威將軍督諸軍討之勒退河北帝鑄一鼎沉於瓜步江中其鼎無文字乃龜形

孝愍皇帝建興元年五月以琅琊王睿為左丞相都督諸軍事詔以時進討睿辭方平定江東未暇北伐八月改建鄴為建康

四年十二月琅琊王睿出師露次移檄天下時白玉麒麟神璽出於江寧其名曰長壽萬年

按金陵志江寧縣名始見是年實錄注永嘉中所置已辨太

康二年下

中宗元皇帝建武元年二月琅琊王睿即晉王位立宗廟社稷於建康十一月立太學揚州大旱

大興元年三月王即皇帝位以宰相領揚州牧改丹陽太守爲尹六月旱帝親雩十一月新作聽訟觀十二月江東三郡饑遣使賑給之

二年三月立郊丘於建康并地祇合祭之時未立北郊也

三年四月江東大饑詔百官言事丹陽地震始置懷德縣於建康以處琅琊國人隨渡江者隸丹陽郡永復爲湯沐邑置南琅琊南蘭陵郡於江乘又創北湖築長堤以壅北山水東自覆舟山西至宣武城六里餘

四年八月黃霧四塞

永昌元年王敦舉兵反向京師帝徵戴淵劉隗入衛使隗軍金城周札守石頭帝親被甲徇六師於郊外三月敦前鋒攻石頭周札開城門應之敦據石頭帝命刁協王導周顛與隗淵等分道出戰皆大敗協奔江乘爲人所殺敦自爲丞相都督中外諸軍錄尚書事殺淵覲四月還武昌八月暴風壞屋拔御道柳樹百餘株其風縱橫無常若自八方來

者十月京師大霧黑氣貫天日月無光閏十一月
己丑帝崩庚寅太子紹即位京都大旱川谷並竭
肅宗明皇帝太寧元年正月癸巳黃霧四塞京師大
火二月葬建平陵四月王敦移鎮姑孰屯于湖自
領揚州牧五月丹陽大水七月丙子朔震太極殿
柱時郗鑒都督揚州敦忌之表鑒為尚書令以王
含為征東將軍都督揚州軍事鑒還臺遂與帝謀
討敦

二年四月庚子京都大雨雹鷲雀死六月王敦表溫
嶠為丹陽尹嶠至建康盡以敦逆謀告帝帝自將
討敦加司徒王導大都督領揚州刺史以嶠都督
東安北部諸軍事與右將軍卞敦守石頭應詹為
護軍將軍都督前鋒及朱雀橋南諸軍事詔臨淮
太守蘇峻兗州刺史劉遐等入衛帝屯中堂敦復
反七月敦遣王含錢鳳等水陸五萬奄至江寧南
岸溫嶠移屯水北燒朱雀桁以挫其鋒帝躬率六
軍出次南皇堂癸酉募壯士遣將軍段秀等帥千
人渡水掩其未備平旦戰於越城大破之敦憤惋

而死賊黨沈充帥萬餘人來會含等築壘於陵口
乙未賊衆濟水詹與戰不利賊至宣陽門北遐峻
等自南塘橫擊大破之遐又破充於青谿賊燒營
宵遁丁酉帝還宮

三年閏七月戊子帝崩己丑太子衍即位九月葬武
平陵

顯宗成皇帝咸和元年二月京師百里內復一年租
赦五歲以下刑八月修石頭以備蘇峻十一月大
閱於南郊後趙石聰寇阜陵詔加司徒導大司馬
假黃鉞都督中外諸軍事以禦之軍于江寧蘇峻
遣其將韓晃擊走之

并見滁河

朝議又作滁塘以遏胡寇

二年五月京師火又大水十一月以會稽內史王舒
行揚州刺史事蘇峻祖約舉兵反十二月峻襲陷
姑孰向京師

三年正月平南將軍溫嶠帥師救京師遣王愆期鄧
嶽紀睦爲前鋒次直瀆峻濟自橫江登牛渚陶回
謂庾亮曰峻知石頭有重戍不敢直下必向小丹

陽南道步來宜伏兵邀之可一戰擒也亮不從峻
果自小丹陽來迷失道夜行無復部分二月庚戌
峻至蔣山假領軍將軍卞壺節帥六軍及峻戰於
西陵王師敗績丙辰峻攻青溪柵縱火王師又大
敗壺并丹陽太守羊曼黃門侍郎周導廬江太守
陶瞻皆死之亮帥衆於宣陽門內未及成列士衆
皆棄甲走峻兵入臺城稱詔大赦自爲驃騎將軍
錄尚書事屯于湖四月溫嶠陶侃與亮起兵討峻
同趣建康五月乙未峻逼遷帝於石頭以倉屋爲
宮時嶠侃軍於茄子浦峻送米萬斛饋祖約侃遣
人襲取之斬獲萬計舟師至蔡洲侃屯查浦嶠屯
沙門浦諸軍即欲決戰侃曰賊衆方盛難與爭鋒
當以歲月智計破之郗鑒將李根請築白石壘從
之遣亮以千人守白石又令郗鑒郭默還據京口
立大業曲阿屺亭三壘分賊兵勢九月侃將毛寶
燒賊句容湖熟積聚賊軍食乏遣人急攻大業侃
將救之長史殷羨曰吾兵不習步戰不如急攻石
頭大業自解侃督水軍向石頭嶠亮從白石南上

峻輕騎出戰，遂馬誅之。其黨任讓等共立峻弟逸為主，閉城自守。

四年正月，帝在石頭。陸贄說匡術以苑城歸順，百官皆赴推擘督宮城事。劉超、鍾雅謀奉帝出赴西師，事泄被害。峻子碩與其黨韓晃併力攻臺城，又焚太極東堂，秘閣皆盡。城中大飢，米斗萬錢。二月，大霖雨，丙戌，諸軍攻石頭。李陽與蘇逸戰於祖浦，陽軍敗。建威長史滕舍以銳卒擊之，逸等大敗。舍奉帝御溫嶠舟，賊黨張健復與晃等輕軍西趨。故鄣郗鑒遣李閣追及於巖山下，皆斬之。丁亥，還宮。甲午，逸以萬餘人自延陵湖將入吳興。將軍王允之及逸戰於溧陽，獲之。兵火之後，宮闕灰燼，以建平園爲宮。嶠欲遷都豫章，三吳之豪請都會稽。王導曰：「孫仲謀、劉玄德俱言建康王者之宅，古之帝王不以豐儉移都，今宜鎮之以靜群情，自定由是。」不復徙都。以褚裒爲丹陽尹，裒收集散亡京邑，遂安。七月，丹陽大水，詔復遭賊郡縣租稅。五年，無禾麥，大饑。九月，造新宮，始繕苑城。十月，幸司

徒王導宅置酒大會

六年正月會州郡秀孝於集賢堂有麀見獲之入有
事于太廟

七年十二月新宮成署曰建康宮帝移居之

八年始作北郊於覆舟山之陽制如南郊改倉苑爲
太倉

咸康元年二月揚州諸郡饑遣使賑給三月幸司徒
王導府與群臣宴于內室拜導及其妻四月趙王
虎南遊臨江而還遊騎十餘至歷陽太守袁耽表
上之帝乃觀兵廣莫門郗鑒使陳光入衛俄趙騎
去時桓溫領琅琊郡鎮江乘之蒲洲金城溫以琅
琊雖有相而無其地求割江乘縣境立郡帝從之
郡始有實土

二年更作朱雀門新立朱雀浮航南渡淮水亦名朱
雀橋七月揚州飢開倉賑給

三年正月國子祭酒袁瓌太常馮懷以江左寢安請
興學校帝從之立太學於丹陽城東南徵集生徒
四年僑置魏廣川高陽堂邑諸郡并所統縣寄居京

邑以處流寓

時江淮擾亂僑置堂邑于此而本郡

未廢故咸康八年通鑑註實郡在江北者有堂邑

五年七月以庾亮為揚州刺史不拜

六年割江乘西界置臨沂與懷德陽都即丘同隸南琅琊

七年詔王公庶人多自北來僑寓江左今皆以土著為斷

八年正月乙未朔京都大雨六月癸巳帝崩甲午琅

琊王岳即位七月葬興平陵

康皇帝建元元年八月徵何充為都督琅琊諸軍事領揚州刺史

二年九月戊戌帝崩己丑太子聃即位十月葬崇平陵

孝宗穆皇帝永和二年以殷浩為揚州刺史

七年七月濤水入石頭溺死者數百人

八年十月徵謝尚為給事中戊石頭

九年正月拜建平陵八月京都地震有聲如雷

十年正月以王述為揚州刺史五月江西流民郭敞

等執陳留內史劉仕于堂邑叛降姚襄以周閔爲
中軍將軍屯中堂豫州刺史謝尚自歷陽還衛京
師固江備守

十二年二月桓溫請移都洛陽不許

升平元年三月帝釋奠于中堂

五年五月丁巳帝崩庚申琅琊王丕即位七月葬永
平陵

哀皇帝隆和元年五月桓溫復請遷都孫綽疏中宗
龍飛實賴萬里長江畫而守之耳士民播流江表
已經數世柰何捨百勝之長理舉天下而一擲哉
王述曰溫欲以虛聲威朝廷耳但從之自無所至
事果不行

興寧元年四月揚州地震

二年二月帝耕籍田移陶官于淮水北以南岸地施
僧慧力造瓦棺寺五月加桓溫揚州牧

三年二月丙申帝崩丁酉琅琊王奕即位三月葬安
平陵

帝奕太和四年十二月桓溫伐燕敗歸與丞相昱會

于涂中復圍後舉

五年八月桓溫討袁瑾以劉波爲淮南內史將五千人鎮石頭

六年六月京師大水平地數尺浸及太廟朱雀大航纜斷三艘流入大江丹陽諸縣稻稼蕩沒十一月桓溫自廣陵將還姑孰屯于白石乃詣建康己酉以太后令廢帝爲東海王迎會稽王昱即位溫出次中堂分兵屯衛詔進溫丞相大司馬留京師輔政溫辭還鎮姑孰十二月濤水入石頭

太宗簡文皇帝咸安二年六月庾希等聚衆入京口城詐稱受海西公密旨誅桓溫建康擾亂溫遣兵擒斬之七月己未帝崩太子昌明即位十月葬高平陵

烈宗孝武皇帝寧康元年二月桓溫來朝詔謝安王坦之迎于新亭溫有疾還鎮三月京都大風火大起詔除丹陽竹格等四桁稅

三年五月以謝安領揚州刺史十二月神獸門災太元元年正月壬寅朔帝加元服見於太廟甲子謁

建平等四陵

三年二月作新宮移居會稽王邸七月入新宮

四年五月秦毛當王顯帥眾會俱難彭超進圍三阿
京都大震臨江列戍丹陽尹屯衛詔遣征虜將軍
謝石帥舟師屯涂中左衛將軍毛安之游擊將軍
河間王曇之淮南太守楊廣宣城內史丘隼帥眾
四萬屯堂邑毛當毛盛帥眾二萬襲堂邑安之等
驚潰兖州刺史謝玄進兵次石梁與難超連戰敗
走之詔進玄冠軍將軍秦王堅賞堂邑之功即以
當盛顯俱為刺史

五年六月震含章殿四柱

六年正月初奉佛法立精舍於殿內引諸沙門居之
六月揚州大水命謝安習水軍於石頭江東大饑
八年二月黃霧四塞八月秦王堅大舉入寇都下震
恐遣征討都督謝石冠軍將軍謝玄等帥師拒之
十一月石玄等大破秦兵詔衛將軍謝安勞旋師
于金城

十年正月國學火燒學舍尋以尚書謝石請復立太

廟之南四月謝安出鎮廣陵始發石頭金鼓自破
八月以琅琊王道子領揚州刺史

十一年八月立宣尼廟于丹陽郡城

十三年四月祔太廟畢有兔行廟堂上十二月戊子
濤水入石頭毀大桁殺人乙未大風晝晦延賢堂
災丙申螽斯則百堂及客館驃騎府庫皆災

十四年琅琊王道子移揚州理於第七月宣陽門四
柱燬十二月雨水冰

十五年八月京師地震

十六年正月改築太廟五月飛蝗從南來集堂邑縣
界害苗稼六月鵲巢太極殿東邨尾

十七年六月癸卯地震甲寅濤水入石頭毀大桁漂
船舫有死者八月新作東宮時建康獄吏枉暴秋
冬旱

二十年作宣太后廟

二十一年正月造清暑殿四月新作永安宮六月庚
申貴人張氏弑帝於清暑殿辛酉太子德宗即位
會稽王道子進揚州牧十月堇隆平陵大雪

安皇帝隆安元年四月王恭舉兵反以討王國寶王
緒爲名國寶遣數百人戍竹里夜遇風雨散歸詔
誅國寶緒以悅于恭恭乃罷兵還京口是年更堂
邑郡爲秦郡置尉氏縣時中原亂民轉徙堂邑更
置郡以統之

治六合山宣化鎮江上

二年三月龍舟二乘災七月王恭及庾楷殷仲堪桓
玄楊佺期復舉兵反九月加會稽王道子黃鉞以
世子元顯爲征討都督遣衛將軍王珣右將軍謝
琰將兵討恭譙王尚之將兵討楷尚之大破楷楷
奔玄玄敗官軍於白石與佺期進至橫江尚之退
走道子屯中堂元顯守石頭王珣守北郊謝琰屯
宣陽門恭兵次竹里元顯以重利啗恭司馬劉牢
之牢之降恭奔長塘湖湖尉收送京師斬於倪塘
以牢之代恭爲都督刺史鎮京口俄佺期玄至石
頭仲堪至蕪湖元顯自竹里馳還京師遣丹陽尹
王愷等發京邑士民數萬人據石頭以拒之佺期
等上表理恭求誅牢之牢之帥北府兵馳赴京師
軍於新亭佺期玄見之皆失色回軍蔡洲

三年四月以會稽世子元顯爲揚州刺史十月妖賊孫恩作亂畿內盜賊起恩黨亦有潛伏建康者乃加道子黃鉞元顯領中軍將軍徐州刺史謝琰兼督吳興義興軍事以討之

五年六月孫恩寇丹徒戰士十餘萬樓船千餘艘百官入居省內冠軍將軍高素等守石頭輔國將軍劉襲柵斷淮口丹陽尹司馬恢之戍南岸冠軍將軍桓謙等備白石左衛將軍王琰等屯中堂劉牢之使劉裕自海鹽入援倍道兼行與恩戰于丹徒大破之賊復整衆向京師譙王尚之帥精銳馳至徑屯積弩堂恩至白石知尚之已在建康而牢之還至新洲遂不敢進浮海北走

元興元年正月下詔罪狀桓玄以元顯爲驃騎大將軍征討大都督加黃鉞又以鎮北將軍劉牢之爲前鋒都督前將軍譙王尚之爲後部討玄玄留桓偉守江陵抗表罪狀元顯舉兵東下二月丙午帝戎服餞元顯于西池丁卯玄敗王師于姑孰尚之逃涂中玄捕獲之牢之軍溧洲叛與玄合三月元

顯將發聞玄已至新亭退軍陳宣陽門外軍中相
驚言玄已至南桁元顯引兵欲還宮玄遣人拔刀
隨後大呼曰放仗軍人皆奔潰元顯走入東府玄
遣人收之玄入京師稱詔解嚴自爲太尉揚州牧
總百揆殺元顯及其子彥璋尚之毛泰毛遂等並
遇害四月玄出屯姑孰八月尚書下舍曹火十月
黃霧昏濁不雨

二年十一月桓玄遷帝于永安宮太廟神主于琅琊
國百官詣姑孰勸進十二月壬辰玄篡位廢帝爲
平固王遷尋陽納桓溫神主于太廟京都大饑人
相食

三年二月庚寅夜濤水入石頭商旅方舟萬計漂敗
流斷骸骨相望謹譁震天乙卯建武將軍劉裕帥
劉毅何無忌等舉義兵于丹徒斬徐州刺史桓濟
丁巳裕軍于竹里移檄遠近玄屯大衆于覆舟山
下遣吳甫之皇甫敷相繼北上三月裕軍與之遇
于江乘奮擊斬甫之進至羅落橋敷帥數千人逆
戰裕又斬之玄聞二將死大懼使桓謙何澹之屯

東陵卞範之屯覆舟山西衆合二萬裕進至覆舟
山將士皆殊死戰無不一當百謙等大潰玄將其
子出南掖門趨石頭與殷仲文等浮江南走裕屯
石頭城立留臺焚桓溫神主于宣陽門外造晉新
主納太廟遣諸將追玄尚書王琰帥百官迎帝城
燹入宮收圖書器物封識府庫丁卯裕遷鎮東府
以王謐領揚州刺史辛未玄逼帝西上四月無忌
等大破玄將何澹之於桑落洲裕還京師玄挾帝
東下無忌劉毅劉道規等大破玄于崢嶸洲玄復
挾帝入江陵寧州督護馮遷誅玄帝復位

義熙元年二月留臺迎帝於江陵三月帝至自江陵
四月劉裕旋鎮京口帝餞於東堂十二月濤水入
石頭

二年十二月劉裕自爲揚州刺史以劉道憐戍石頭
七月尚書殿中吏部曹火十二月濤復入石頭
五年四月劉裕北伐帝餞于西堂五月溧陽雨雹六
月震太廟

六年二月盧循反四月劉裕還建康諸葛長民劉藩

劉道憐各將兵入衛五月劉毅與循戰于桑落洲
毅兵大敗乙丑循至淮口大司馬琅琊王德文都
督宮城諸軍事次中皇堂裕屯石頭梁王珍之屯
南掖門冠軍將軍劉敬宣屯北郊輔國將軍劉懷
默屯建陽門裕謂將佐曰賊若於新亭直進其鋒
不可當宜且避之若迴泊西岸此成禽耳徐道覆
請于新亭至白石焚舟而上數道攻裕循不從回
泊蔡洲裕乃悅伐橋柵石頭淮口脩治越城築查
浦藥園廷尉三壘以拒之循伏兵南岸使老弱乘
舟向白石聲言悉衆自白石步上裕留叅軍沈林
子徐赤持戍南岸自以兵北出拒之循焚查浦進
至張侯橋赤特大敗林子據柵力戰循引精兵至
丹陽郡裕馳還石頭出陳于南塘循退保尋陽八
月裕還東府荊州刺史劉道規遣司馬王鎮之帥
天門太守檀道濟廣武將軍到彥之入援建康十
月裕發建康討盧循是年震太廟鷓尾宮城及御
道左右皆生蒺藜

八年起入漢樓于石頭城九月劉裕帥諸軍發建康

擊劉毅

九年盜發卞壺墓詔給錢十萬修復之二月劉裕自江陵東還潛入東府伏壯士殺諸葛長民四月罷臨沂湖熟脂澤田四十頃以賜貧人弛湖池之禁五月國子聖堂壞京都大火燒數千家移秣陵于闔場栢社地

十年城東府五月西明門地穿水湧出

十一年劉裕發建康擊宗室司馬休之以高陽內史劉鍾領石頭戍事屯冶亭三月有群盜數百夜襲

冶亭鍾討平之七月京師大水壞太廟所在火起

十二年宗室據秦郡擅祗擊斬之以太守劉基請也

十四年十二月劉裕弒帝于東堂奉琅琊王德文即位

恭皇帝元熙元年正月葬安皇帝于休平陵九月劉裕自解揚州牧十月徙司州刺史劉義真爲揚州刺史鎮石頭省揚州府禁坊三軍移秣陵于其地二年六月宋王劉裕還建康稱皇帝廢帝爲零陵王即宮于秣陵故縣以兵守之八月宋爲晉諸陵置

守衛併廣川郡於廣川縣隸魏郡以建康秣陵丹陽江寧永世溧陽湖熟句容隸丹陽郡揚州領之
荆建康臨沂爲土費并臨沂江乘陽都費即丘隸南琅琊郡蘭陵合鄉承縣隸南蘭陵郡俱南徐州領之秦義成尉氏臨涂平丘外黃沛雖丘浚儀頓丘隸秦郡南豫州領之餘如故按金陵志逸臨沂江乘蓋未攷宋書地理志也永初郡國秦郡所隸寔繁意郡即治秦及尉氏其後郡東有義成林臨塗界今滁州頓丘界今來安俱郡故境若平丘等

縣則舊隸陳留僑置于此者故何徐諸志不著其名

宋高祖武帝劉裕永初二年正月宋主祠南郊以徐羨之爲揚州刺史二月臨延賢堂策試諸州郡秀才孝廉以揚州秀才顧練爲著作郎夏四月詔所在淫祠蔣子文以下皆除之九月裕弒零陵王於秣陵十一月葬晉恭帝于冲平陵

三年五月宋主裕殂葬初寧陵太子義符立
宋主義符景平元年五月徐羨之傳亮謝晦廢宋主義符爲

營陽王弒之八月宋主義隆立以竟陵王義宣鎮石頭省堂邑高陽相繼入魏郡

宋太祖文帝義隆元嘉二年正月祠南郊二月策秀才于中堂

三年正月以王弘為揚州刺史二月宋主自將討謝晦

三月還建康六月聽訟于延賢堂自是歲以為常

四年正月乙亥曲赦建康百里內二月如丹徒謁京陵

三月還建康五月建康疾疫遣使存問給醫藥無家者賜以棺器

五年正月臨玄武館閱武戊子丹陽火遣使巡慰賑賜

六月復大水遣使檢行賑贍丙寅震太廟破東鵝尾徹壁柱

七年建康火延燒大社北墻

八年揚州諸郡旱六月以秦郡屬南兖州併即丘于陽

都臨塗于秦平丘于尉氏沛于頓丘按金陵志溧

陽志并金陵圖考皆云是年省末世入溧陽然孝

武太元七年尚有末世是後見綱目者非一南齊

丹陽郡領縣八亦有末世隋書末世縣屬宣城郡

註云平陳廢開皇間復置是陳亦有末世也今以

史爲正但圖考南畿志出于一人之手圖考既云
省入而南畿志南齊郡縣表中復列之何也又宋
書郡國志末世令下云元嘉九年以併末世溧陽
二縣似蒙上文平陵縣謂併平陵于末世溧陽非
以求世併溧陽也又南齊樂預亦嘗爲末世令

九年春丹陽雨雹溧陽尤甚傷人畜六月以彭城王義
康領揚州刺史省平陵入末世溧陽

十一年省魏郡以其民併建康五月建康大水

十二年四月建康地震六月丹陽諸郡大水邑里乘船

立南學于郭門外併合鄉於承

十四年三月丙申大鳥二集秣陵民王顓園中李樹上
狀如孔雀揚州刺史彭城王義康以閭改鳥所集

求昌里曰鳳凰

十五年新作東宮召處士雷次宗至建康開館于雞籠
山聚徒教授立四學省費縣入建康臨沂

十六年正月闕武于北郊始置上定林寺降賊趙廣張
尋等謀反于建康伏誅

十七年十二月復以始興王濬爲揚州刺史

九年三月臨儒學召雷次宗侍講賜諸生帛閏五月
丹陽雨水遣使巡行賑卹

二十一年正月於臺城東西開萬春千秋二門閱武于白
下

二十一年耕籍田六月建康連雨百餘日大水

二十二年夏討緣沔諸蠻移一萬四千餘口於建康十月
浚淮起湖熟廢田千餘頃十一月宋主燕武帳岡
太子詹事范曄中舍人謝綜散騎常侍孔熙先等
謀反伏誅

二十三年六月築北堤立玄武湖築景陽山於華林園九
月臨國子學策試諸生答問

二十四年春蠲建康秣陵二縣今年田租之半六月丹陽
大水疫癘遣使行郡縣給以醫藥

二十五年正月詔檢行建康秣陵二縣貧弊之室及營署
賜以米薪閏月大蒐于宣武場四月新作閭闔廣
莫二門改先廣莫曰承明開陽曰津陽玄武湖青
龍見五月黑龍又見

二十六年十月以廬陵王紹爲揚州刺史

七年秋大舉侵魏以兵力不足悉發南兗等州三五
民兵符到十日即行緣江蘭陵琅琊諸郡集廣陵
有司又奏軍用不充揚南兗等州富民家貲滿五
十萬者借四之一十二月魏主燾引兵南下進次
瓜步壞民廬舍伐葦爲筏聲言欲渡江建康震懼
丹陽統內盡戶發丁太子劭出鎮石頭領軍將軍
劉遵考將兵分守津要列營周亘江濱自采石至
暨陽六七百里上登石頭城有憂色曰檀道濟若
在豈使胡馬至此又登幕府山觀望形勢魏主鑿
瓜步山爲蟠道於其上設檀屋秦郡陷遂置秦州
及橫山縣

二十八年正月朔魏主大會群臣於瓜步山班爵行賞有
差魏人緣江舉火右衛率尹弘言於宋主曰六夷
如此必走明日果掠居民焚廬舍而去魏人凡破
城守殺傷不可勝計丁壯者即加斬截嬰兒貫於
槊上盤舞以爲戲所過赤地無餘春燕歸巢于林
木邑里蕭條賑恤民遭寇者蠲其稅調秦郡復廢
秦州二月壬午宋主如瓜步三月乙酉還建康建

康大旱民多疾疫十二月使沈慶之徙彭城流民數千家於瓜步

二十九年二月雷雨雪三月大風拔樹五月丹陽霖雨傷木稼十二月黃霧四塞

三十一年二月太子劭弒宋主武陵王駿舉兵入討荊州

刺史義宣雍州刺史臧質並起義兵四月辛酉駿至溧洲冠軍將軍柳元景憚水戰乃倍道兼行至江寧步上結壘新亭依山爲阻甲子劭與魯秀等帥衆攻新亭壘士殊死戰魯秀擊退鼓劭衆遽止元景乃開壘鼓譟以乘之劭衆大潰更帥餘衆來戰元景復大破之殺傷過半劭僅以身免丙寅駿至江寧江夏王義恭來奔奉表勸進駿自立於新亭五月癸酉臧質以雍州兵至劉遵考遣其將夏侯獻之帥步騎五千軍於瓜步宋主遣將軍顧彬之俱向建康劭緣淮樹柵自守又決破崗瀆方山埭以絕東軍魯秀等募勇士攻大航克之輔國將軍朱脩之克東府丙子諸軍克臺城劭等並伏誅辛巳如東府城曲赦建康二百里內蠲今年租稅

六月以竟陵王誕為揚州刺史柳元景為護軍將軍領石頭戍事

宋世祖孝武帝駿孝建元年正月祀南郊起正光殿二月南郡王

義宣反遣使以徐遺寶為征虜將軍率軍出瓜步尋走死六月罷南蠻校尉遷其營於建康併浚儀於秦

二年九月臨宣武場閱武十月以江夏王義恭領揚州刺史

三年六月聽訟於華林園自是歲以為常七月以西陽王子尚為揚州刺史

宋大明元年正月建康雨水遣使檢行賜以樵米四月丹

陽疾疫遣使按行賜給醫藥死而無收者官為斂埋五月紫氣出景陽樓迴薄久之改為慶雲樓

三年二月罷揚州以所統六郡為王畿七月賜王畿下貧之家蠲租一年九月於玄武湖北立上林苑十月二月改築南郊于牛頭山西直宮城之午位

四年正月耕籍田三月后親蠶西郊太后觀禮四月以南琅瑯郡隸王畿遣使存問建康秣陵二縣并給

醫藥十二月臨廷尉寺凡囚繫悉原遣又如建康
放獄囚

年五正月雪二月閱武於玄武湖詔作明堂于丙巳之

地制如太廟七月丙辰丹陽雨水遣使巡行窮弊
之家賜以薪粟九月如琅琊郡囚繫悉原初立馳
道自閭闔門至于朱雀門又自承明門至于玄武
湖省陽都併臨沂江乘置懷德縣隸秦郡

郡西南有懷德鄉今屬江浦

年六正月親祀明堂二月策孝秀于中堂四月新作大

航門十月葬殷貴妃於龍山鑿岡通道數十里

年七正月詔於玄武湖大閱水師又巡江右講武二月

校獵於烏江巳未登六合山癸亥如尉氏觀溫泉

甲子如瓜步山壬申還建康割懷德烏江置臨江

郡四月大風折和寧陵華表鍾山通天臺一夕飛

倒散落山澗中六月壞高祖所居陰室於其處起

玉燭殿八月如建康秣陵縣訊獄囚又臨廷尉訊

獄囚十月南巡于行在訊江寧溧陽永世丹陽等

縣囚復習水軍於梁山仍減所經田租以王畿之

內郡屬南徐州

年八閏五月宋主駿殂葬景寧陵太子子業立冬建康
饑米升百餘錢死者十六七相枕于道命建康秣
陵二縣為薄粥賦之十二月復以王畿諸郡為揚
州

宋主子業永廢臨江郡仍以懷德隸秦烏江隸歷陽
光元年

七月以石頭城為長樂宮東府城為未央宮北邸
為建章宮南第為長楊宮九月癸巳如湖熟戊戌
還建康戊午乃自白下濟江至瓜步十月丙戌還

十一月左右弒宋主子業于華林園湘東王彧立
十二月壬午謁太廟

宋太宗明帝彧
泰始二年 正月晉安王子勛稱帝義熙太守劉

延熙等據郡應子勛以庾業代延熙業至長塘湖
即與延熙合時四方皆附子勛宋唯保丹陽一郡
而求世令孔景宣復叛義興兵垂至延陵內外咸
欲奔散兗州刺史殷孝祖入衛丙午宋主親帥六
軍出頓中興堂壬子末世民史逸宗據縣為逆殿
中將軍陸攸之平逸宗邑人徐崇之斬景宣溧陽

令劉休文攻景宣別砦斬其黨史覽之等十五人
建威將軍吳喜板崇之領縣事喜乘勝進逼義興
延熙柵斷長橋保郡自守喜築壘與之相持業於
長塘湖口夾岸築城有衆七千人與延熙遙相應
接參軍督護任農夫自延陵出長塘業築城猶未
合農夫往攻之力戰大破之業棄城走農夫收其
船伏進助喜三月原赦揚州囚繫凡逋亡一無所
問五月張永蕭道成等與薛索兒戰大破之索兒
退保石梁食盡而潰六月建康雨水八月諸將大

破義興兵子勛賜死九月建康大風

二年正月庚午建康大雨雪遣使巡行賑賜各有差

四年正月躬耕籍田三月丙辰臨中堂聽訟歲以爲常

以桂陽王休範爲揚州刺史

六年立總明觀置祭酒一人儒玄文史學各十人以王
景文領揚州刺史

宋泰豫元年四月宋主彧殂葬高寧陵太子昱立六月建

康雨水詔賑卹二縣貧民

宋主昱元徽元年八月建康旱十月割頓丘及鍾離馬頭穀

熟鄧置新昌郡

二年五月壬子江州刺史桂陽王休範舉兵反攻建康
即日加中領軍劉劬鎮軍將軍右衛將軍蕭道成
平南將軍前鋒南討出屯新亭張永屯白下沈懷
明戍石頭袁粲褚淵入衛殿省壬辰道成至新亭
治城壘未畢休範前軍已至新林道成率眾拒擊
遣校尉張敬兒偽降斬休範其將杜黑蠡攻新亭
甚急蕭惠朗率敢死士數十人突入東門至射堂
下道成上馬帥麾下搏戰惠朗乃退丁文豪破臺
軍於皂筴橋直至朱雀桁南杜黑蠡捨新亭北趣
朱雀桁右將軍王道隆將羽林精兵在朱雀門內
急召劬於石頭劬度桁南戰敗死黑蠡等乘勝度
淮道隆棄眾走遇害水潰于白下懷明自石頭奔
散黑蠡徑進至杜姥宅戊午撫軍典籤茅恬聞東
府納賊入屯中堂宮省恇擾道成遣陳顯達與敬
兒等將兵自承明門入衛丙申大破黑蠡于宣陽
門斬黑蠡及文豪進克東府餘黨悉平

三正月丹陽大火三月丙寅建康大水遣使檢行賑

賜戊辰火延燒數千家五月雨雹

年四七月建平王景素起兵京口命蕭道成屯玄武湖蕭願鎮東府景素不克而死大赦原建康秣陵二縣元年以前逋調

年五七月戊子蕭道成使王敬則等弒宋主昱于仁壽殿而立安成王準癸卯謁太廟八月以司空袁粲鎮石頭十一月中書監袁粲尚書令劉秉據石頭謀誅蕭道成不克而死十二月蕭道成假黃鉞出頓新亭遣兵擊沈攸之

宋順帝準昇

明二年

正月沈攸之軍潰走死蕭道成還鎮東

府

年三二月地震建陽門四月以秦郡增封齊王蕭道成道成稱皇帝廢宋主準為汝陰王築宮丹陽置兵守衛五月道成弒汝陰王滅其族十二月祠太廟朱雀航華表柱生枝葉時欲置齊郡於建康議者以江右土沃流民所歸乃治瓜步隸青州以劉懷慰為太守領臨淄華城齊安西安宿豫尉氏平虜昌國泰益都郡縣虛置至於分居土蓋無幾焉

齊太祖高帝蕭道成
成建元二年正月辛丑齊主祀南郊乙卯詔發

兵拒魏徵南郡王長懋為中軍將軍鎮石頭五月
立建康都墻建康自晉以來外城唯設竹籬而有
六門至是改立都墻又以建康居民舛雜多姦盜
欲立符伍以相檢括王儉諫曰京師之地四方輻
輳若必持符則事煩而理不曠謝安所謂不爾何
以為京師也乃止六月詔丹陽郡遭水尤劇之縣
詳所除宥九月以臨川王映為揚州刺史十二月
臨中堂聽訟領軍將軍李安民擢巨盜王元初於
六合山元初宋世亡命聚黨僭號自云垂手過滕
州郡討不能擒積十餘年安民遣軍偵候生擒元
初斬建康市加安民散騎常侍

三
年
置
三
軍
于
長
蘆

四
年
二
月
原
建
康
囚
繫
有
差
除
元
年
以
前
逋
責
三
月
齊
主
道
成
殂
太
子
頤
立
六
月
詔
水
澇
為
患
建
康
秣
陵
貧
民
賑
卹
必
周
悉
九
月
罷
國
子
學

齊世祖武帝頤
末明元年

正月辛亥祀南郊三月詔京師囚繫
皆原宥鰥寡下貧之家加賑卹以秦郡併于齊罷

齊安

二年六月臨中堂聽訟八月丙午詣清溪舊宮戊申臨
玄武湖講武甲子詔建康秣陵之枯掩骼疾病窮
困並加沾賚九月長沙王晃私載數百人仗還建
康爲禁司所覺投之江水併華城於臨淄

三年二月復立國學七月詔丹陽所領及二百里內見
囚同集京師親臨決斷

四年正月辛卯臨中堂策秀才辛亥耕籍田遂臨闕武
堂三月臨國子學講孝經賜祭酒助教博士絹有

差

五年六月建康秣陵水遣官長隨宜賑賜七月申詔丹
陽屬縣未明三年以前所逋田租非中貲者悉原
停十月起新林苑

六年四月石子岡栢木化爲石九月如琅琊城講武習
水步軍

七年正月普賜建康秣陵貧民六月如琅琊城十二月
以張緒領揚州中正

八年八月建康霖雨遣中書舍人及長吏賑恤

秋正月命豫章王妃祠宣高二帝孝昭二后于清溪
故宅牲牢服章用家人禮四月親送魏使李處至
琅琊城命群臣賦詩以寵之九月如琅琊城講武
年十四月以竟陵王子良為揚州刺史十月臨玄武湖
講武十一月霖雨遣使賑賜建康秣陵居民蘭陵
民齊伯生於六合山獲金璽一紐文曰年予主

年十一 三月震東齊棟崩六月建康霖雨遣使賑之七

月齊主頤殂太孫昭業立

齊主昭業隆 正月辛亥祀南郊戊午拜崇安陵七月

蕭鸞弑齊主而立新安王昭文十月鸞自為揚州
牧復廢齊主昭文而自立十一月鸞弑海陵王以
始安王遙光為揚州刺史

齊高宗明帝鸞 建武二年 正月詔建康秣陵有毀發墳壠隨宜

脩理遣將軍王廣之等督諸軍拒魏以太尉陳顯
達為使持節都督西北討諸軍事巡徼新亭白下
二月地震魏遣使臨江數齊主之罪而還四月詔
三百里內訟獄同集建康尅日聽覽十二月脩晉
諸陵增置守衛

齊永泰

元年四月大司馬王敬則反至曲阿長岡五月太

子寶卷使人上屋望征虜亭失火謂敬則至急裝

欲走詔前軍司馬左興盛將軍胡松等築壘長岡

已而敬則大敗斬之七月齊主鸞殂太子寶卷立

齊主寶卷永

元年正月祀南郊七月建康大風十圍樹及

官舍居民屋皆偃拔丁亥大水詔賜死者材器并

賑恤八月丙午始安王遙光起兵東城夜遣數百

人破東冶出囚于尚方取仗丙辰詔曲赦建康尚

書令徐孝嗣以下屯衛宮城蕭坦之帥臺軍屯湘

宮寺左興盛屯東籬門鎮軍司馬曹虎屯清溪大

橋衆軍圍東城三面燒司徒府遙光遣垣歷生出

戰臺軍屢敗遙光諮議蕭暢潛出詣臺自歸歷生

出戰因棄稍降至夜城潰斬遙光十一月太尉陳

顯達舉兵襲建康以崔慧景為平南將軍督衆軍

擊之將軍胡松李叔獻帥水軍據梁山左興盛督

前鋒軍屯杜姥宅十二月顯達敗松於采石遂軍

新林興盛帥諸軍拒敵顯達潛軍夜渡以數千人

登落星岡新亭諸軍聞之奔還宮城大駭閉門設

守顯達與臺軍戰稍折退走騎官趙潭斬之

二年四月遣平西將軍崔慧景將兵討裴叔葉慧景還

兵奉江夏王寶玄逼建康臺遣張佛護徐元稱等

六將據竹里為數城以拒之佛護元稱降餘四軍

主皆死乙卯遣中領軍王瑩督衆軍據湖頭築壘

上帶蔣山西巖實甲數萬壬戌慧景至杳硿分遣

千餘人緣蔣山龍尾自西巖夜下鼓噪臨城中臺

軍驚潰齊主復遣左興盛帥臺內五萬人拒慧景

於北籬門興盛望風退走甲子慧景入樂遊苑崔

恭祖輕騎千餘突入北掖門宮門皆閉慧景帥衆

圍之東府石頭白下新亭諸城皆潰慧景燒蘭臺

府署為戰場守御尉蕭暢屯南掖門處分城內衆

心稍安時蕭懿將兵在小峴齊主密遣人告之即

日帥胡松李居士數千人自采石濟江頓越城慧

景遣軍與戰大敗赴淮死者二千餘人癸酉慧景

棄衆走尋斬之五月曲赦建康六月臨樂遊苑八

月甲辰後宮火死者相枕乃大起芳樂玉壽等諸

殿

年三月南康王寶融廢齊主寶卷爲涪陵王而自立
六月涪陵王作芳樂苑山石皆塗以五采七月雍
州刺史張欣泰結王靈秀等率石頭文武奉建安
王寶寅向臺至杜姥宅宮門閉乃散走八月涪陵
遣光祿大夫張瓌鎮石頭以太子左率李居士總
督西討諸軍事屯新亭九月蕭衍引兵東下遣曹
景宗進頓江寧與李居士戰奮擊大破之乘勝至
皂箴橋新亭城主江道林引兵出戰被擒衍至新
林命王茂據越城鄧元起據道士墩陳伯之據籬
門呂僧珍據白板橋居士帥銳卒萬人直來薄壘
僧珍分人上城矢石俱發自帥馬步三百出其後
內外夾擊居士敗走遂請涪陵燒內岸邑屋以開
戰場自大航以西新亭以北皆盡十月涪陵遣將
軍王珍國胡虎牙將精兵十萬餘人陳于朱雀橋
南奄人王寶孫持白虎幡督戰開航背水以絕歸
路衍軍小却茂下馬單刀直前韋欣慶執鉄纏稍
以翼之景宗縱兵奮擊珍國等不能抗寶孫切罵
諸將將軍席豪發憤突陳而死軍遂大潰衍長驅

至宣陽門諸將移營稍前寧朔將軍徐元愉以東
府城降居士以新亭降瓌棄石頭涪陵閉門自守
衍命諸軍築長圍守之時涪陵遣軍主李叔獻屯
瓜步衍遣使曉諭帥衆來降十二月衍兵入含德
殿左右弒涪陵王寶卷衍以太后令追廢寶卷爲
東昏侯入鎮殿中

齊和帝寶融
中興二年

正月遣兼侍中席闡文等慰勞建康四
月梁王衍稱皇帝廢齊王寶融爲巴陵王遷姑孰
衍尋弒之始置六合縣於秦郡同夏縣於秣陵同

夏里隸丹陽郡餘如故

同夏梁王所生里秦郡有

山名六合邑以得名按六合嘉定志載晉置秦郡

於六合山初非置縣也至是梁武於秦郡置六合

縣六合之稱當自梁始故陳伯之傳次六合字文

周因以置五郡未審廢於何時又金陵志云大同初

置同夏

五月盜入南北掖神武門總章觀捕得伏

誅江州刺史陳伯之集府州僚佐詐稱奉齊建安

王寶寅教帥江北義勇十萬已次六合遂舉兵反

遣王茂督衆討之敗走間道渡江乃犇魏八月置

建康三官江東大旱米斗五千民多飢死立長干寺

梁高祖武帝蕭衍天監二年五月梁主斷郡縣獻奉二宮六月幸

謝朓宅

三年建康疫

四年正月祀南郊二月立建興苑於秣陵六月初立孔

子廟

五年八月作太子宮十一月建康地震

六年三月有三象入建康四月以建安王偉為揚州刺

史八月建康大水因濤入加御道七尺改閱武聽訟堂為德陽儀賢

七年正月作神龍仁獸二闕于大司馬外二月新作國門于越城南五月建康大水六月復建修二陵

九年正月新作綠淮塘北岸起石頭迄東冶南岸起後渚籬門迄三橋三月視國子學臨講肆賜祭酒以下帛各有差

十年正月祠明堂初作宮城門三重樓及開二道

十一年三月曲赦揚州築西靜壇于鍾山

十二年二月新作太極殿四月建康大水六月作太廟
增基九尺

十三年二月耕籍田

梁普通元年七月江溢

二年正月置孤獨園於建康收養窮民四月改作南北
郊徙藉田于東郊五月琬琰殿火延燒後宮三千
餘間

三年正月建康地震

六年三月如白下城履行六軍頓所召元法僧元畧還

建康法僧驅彭城萬餘人南渡十二月建康地震

梁大通元年正月朔同泰寺三月幸寺捨身

梁中大通元年建康秣陵疫以身禱於重雲殿九月辛巳

朱雀航華表災癸巳幸同泰寺設四部無遮大會
再捨身公卿以錢一億奉贖十月還宮

二年正月以晉安王綱為揚州刺史八月臨德陽堂設
絲竹會祖送魏王元悅

四年以邵陵王綸為揚州刺史

五年正月辛卯祀南郊戊申建康地震二月幸同泰寺

說經五月建康大水御道通船

梁大同二年十一月建康秣陵地震

三年正月辛丑朱雀門灾壬寅天無雲雨灰黃色八月
修長干寺阿育王塔出佛爪髮舍利幸寺設無碍
會大赦九月以湘東王繹為揚州刺史十月建康
秣陵地震民飢

四年正月閱武于樂遊苑

六年十一月曲赦丹陽郡

七年二月建康秣陵地震十二月立士林館於宮城西

延集學者

九年自新亭鑿渠通新林浦置江潭苑因侯景亂不果
十一年三月如蘭陵又如京口四月還建康放所經縣邑
今年租調

梁中大同元年三月庚戌幸同泰寺講三慧經四月丙戌
講解是夕浮圖災梁主曰此魔也更宜廣為法事
遂起十二層浮圖將成值侯景亂乃止

梁太清元年三月復捨身於同泰寺如大通故事九月王
遊苑成遂臨苑

年八月侯景舉兵反九月命臨賀王正德屯朱雀門
寧國公大臨屯新亭大府卿韋黯屯六門繕修宮
城爲備十月巳酉景濟橫江至于慈湖建康大駭
曲赦東西冶尚方錢署及建康繫囚以宣成王大
器都督城內諸軍事羊侃副之西興公大春守石
頭謝禧元貞守白下韋黯柳津守宮城諸門及朝
堂辛亥景至朱雀桁南太子以正德守宣陽門庾
信守朱雀門帥宮中文武三千餘人營桁北正德
帥衆於張侯橋叛迎賊景乘勝至闕下大春禧貞
俱棄軍走津主彭文燦等以石頭降景分兵繞城
百道俱進羊侃隨方禦之督軍固守十一月景以
正德稱帝邵陵王綸帥蕭弄璋趙伯超等入援庚
辰營於蔣山景分三道攻綸綸與戰破之乙酉綸
進軍玄武湖側與景對陳至暮約明日會戰安南
侯駿見景軍退即與壯士逐之景旋軍擊駿敗走
乘勝擊綸諸軍皆潰綸奔朱方丙戌鄱陽王範遣
世子嗣將軍裴之高等帥衆入援次張公洲範以
之高督江右援軍事景悉驅南岸居民於水北盡

焚大街以西廬舍十二月南康王會理將兵及刺
史柳仲禮韋粲李遷仕羊鴉仁並入援推仲禮爲
大都督部分衆將令韋粲頓青塘

三正月丁巳柳仲禮自新亭徙營大桁分據南岸會
大霧韋粲軍迷失道及青塘夜半立柵未合賊帥
銳卒急攻粲營粲拒戰死仲禮聞粲敗往救與景
戰青塘大破之稍將及景而賊將自後斫仲禮肩
得免二月以景爲大丞相與之盟敕止援軍王偉
說景背盟三月戊午羊鴉仁進軍東府北與賊戰

大敗丁卯賊攻陷宮城矯詔解散援軍景自加大
都督中外諸軍大丞相錄尚書事秦郡降景景改
爲西兗州四月己丑建康地再震五月梁主衍殂
塋修陵太子綱立景出屯朝堂分兵守衛六月景
以郭元建爲尚書僕射北道行臺總江北諸軍事
鎮新秦永安侯確謀於鍾山討景不克而死

梁太宗簡文帝

綱大寶元年四月侯景逼梁主如西州自春迄夏

大飢人相食建康秣陵爲甚十一月南康王會理
以建康空虛與柳敬禮西鄉侯勸東鄉侯劭謀起

兵誅王偉安樂侯又理出奔長蘆集眾得千餘人
建安侯賁中宿世子子邕知其謀以告偉偉收會
理等俱殺之又理爲左右所殺

二年閏三月侯景西寇發建康自石頭至新林舳舻相
接七月敗還八月景廢梁主綱殺太子大器而立
豫章王棟郭元建自秦郡馳還止之景不聽十月

景弑梁主綱廢棟自稱漢帝

梁世祖孝元帝
繹承聖元年

正月湘東王繹遣王僧辯陳霸先討
侯景三月丁丑敗賊將于姑孰督諸軍至張公洲

乘潮入淮進至禪靈寺前景使人塞淮口沿淮作
城自石頭至朱雀街十餘里樓堞相接僧辯問計
于霸先霸先曰前柳仲禮以十萬兵隔水而陣葦
粳在青溪竟不渡岸賊登高望之表裏俱盡故能
覆我今圍石頭須渡北岸壬午霸先於落星山築
柵直出石頭西北景亦於石頭東北築五城以遏
大路丁亥僧辯霸先分命諸將並進而自以大軍
乘之景兵敗進據其柵盧暉畧開石頭城降僧辯
入據之景兵與霸先殊死戰景自帥百餘騎衝陳

不動遂大潰東走軍士遺火焚太極殿及東西堂
秦郡戍主郭正買等降齊四月景伏誅郡復莖簡
文帝於莊陵時江東飢死者十八九遺民携老幼
歸新蔡五月齊主洋使潘樂郭元建將兵圍秦郡
行臺尚書辛術諫曰朝廷與湘東主信使不絕陽
平侯景之士取之可也今王僧辯已遣嚴超達守
秦郡於義何得復爭之且水潦方降不如班師弗
從陳霸先命別將徐度引兵助秦郡固守齊衆七
萬攻之急僧辯使左衛將軍杜崩救之霸先亦自
歐陽來會與元建戰於士林大破之斬首萬餘級
生擒千餘人元建收餘衆北遁九月以王僧辯爲
揚州刺史鎮建康

年二

正月陳霸先侵齊秦州刺史嚴超達自秦郡進圍
涇州南豫州刺史侯瑱吳郡太守張處皆出石梁
爲援六月齊步大汗薩將兵四萬趣涇州王僧辯
使瑱處自石梁引兵助超達瑱處留不進齊冀州
刺史段韶引兵倍道趣涇州進擊超達破之瑱處
還秦郡

梁敬帝方智正月齊遣貞陽侯淵明還建康稱帝以

紹泰元年二月梁王方智立五月王僧辯奉淵明歸

兵納之建康以梁王方智為太子陳霸先諫不從九月霸

先潛舉兵襲僧辯乃使徐度侯安都帥水軍趨石

頭霸先帥馬步自江乘羅落會之安都至石頭北

棄舟登岸霸先兵亦自南門入僧辯戰不勝遂被

執霸先殺之淵明廢十月復立方智霸先自領揚

州刺史秦州刺史徐嗣徽以州入于齊密結南豫

州刺史任約將精兵五千乘虛襲建康奄至闕下

安都閉門伏旗幟示之以弱乃夜為戰備將旦嗣

徽至安都帥甲士開東西掖門出戰大破之嗣徽

等奔還石頭十一月霸先使徐度立柵於冶城齊

遣安州刺史翟子崇楚州刺史劉士榮淮州刺史

柳達摩將兵萬人於胡墅度米三萬石馬千匹入

石頭霸先使安都夜襲胡墅燒齊船千餘艘令周

鐵虎斷齊運輸嗣徽攻冶城柵霸先將精甲自西

明門出擊之嗣徽大敗十二月安都襲秦郡破嗣

徽柵俘數百人收其家嗣徽大懼霸先對冶城立

航悉渡衆軍攻水南縱火燒其二柵嗣徽與任約
引齊兵水步萬餘人還據石頭霸先遣兵詣江寧
據要險嗣徽等水步不敢進頓江寧浦口霸先遣
侯安都將水軍襲破之絕其汲道城中無水乃請
和霸先許之齊人歸北收齊馬仗船米不可勝計
江寧令陳嗣據姑孰反霸先命安都等討平之

梁太平
元年

五月庚寅齊遣蕭軌等與任約徐嗣徽合兵

十萬入丹陽縣丙申至秣陵故治霸先遣周文育
屯方山徐度屯馬牧杜稜屯大航南以禦之辛丑
齊兵跨淮水立橋柵渡兵夜至方山周文育等各
引還癸卯齊兵自方山進及倪塘梁主總禁兵出
頓長樂寺侯安都與嗣徽等戰於耕壇南破之霸
先潛撤精卒三千配沈泰渡江襲齊行臺趙彥深
於瓜步獲艦百餘艘粟萬斛六月甲辰齊兵潛至
鍾山侯安都與齊將王敬寶戰於龍尾丁未齊師
至幕府山霸先遣別將錢明將水軍出江乘邀擊
齊人糧舟遂絕其餉道庚戌齊軍踰鍾山霸先與
衆軍分頓樂遊苑東及覆舟山北斷其衝要壬子

齊軍至玄武湖西北據北郊壇霸先引軍自覆舟
山東移於南郊與齊人相對會大雨平地水丈餘
齊軍日夜立泥中霸先與吳明徹等衆軍首尾齊
舉縱兵大戰安都自白下引兵橫出其後齊師大
潰生執嗣徽追奔至於臨沂其江乘攝山鍾山等
軍相繼克捷七月陳霸先自爲揚州刺史十一月
起雲龍神獸門

二年十月陳公霸先進爵爲王遂稱皇帝廢梁主方智
爲江陰王丙子陳主如鍾山祠蔣帝廟戊寅臨華

林園親覽詞訟十二月庚辰建康大火

陳高祖武帝陳霸先未定二年

正月祀南北郊四月甲子享太廟

乙丑霸先弒江陰王五月捨身於大莊嚴寺七月
新作太極殿如石頭送侯瑱等幸冶城寺送臨川
王禧

三年正月夜大雪及旦太極殿前有龍跡見閏四月置
西省學士兼取伎術時久不雨如鍾山祭蔣帝廟
是日雨至於月晦六月陳主霸先殂葬萬安陵兄
子臨川王禧立

陳世祖文帝簡 正月祀南郊六月葬梁孝元帝於江

寧八月臨正陽堂閱武

三以安成王頊為揚州刺史

四四月捨身於太極殿七月曲赦建康秣陵

五七月曲赦建康秣陵九月城西城

六七月有大風自西南至廣百餘步激壞靈臺候樓

甲申儀賢堂自壞九月新作大航十二月曲赦建

康秣陵

陳天康 四年陳主禧殂葬永寧陵太子伯宗立

陳主伯宗光 大元年 正月祀南郊

二十一年安成王頊廢陳主伯宗為臨海王

陳高宗宣帝頊 大建元年 正月陳主頊立辛丑祀南郊戊午享

太廟二月耕籍田

五三月壬午分命眾軍伐齊以吳明徹都督征討諸

軍事眾十萬發建康明徹出秦郡四月齊人於秦

郡置秦州州前江浦通涂水齊人以大木為柵於

水中辛亥明徹遣豫章內史程文季將驍勇拔其

柵克之齊遣開府儀同三司尉破胡長孫洪略救

秦州五月己巳瓦梁城降戊子秦州城降癸巳瓜步胡墅二城降六月治明堂

七年三月移譙州鎮新昌郡以秦郡屬之五月秦郡還隸南兗州六月改作雲龍神獸門閏九月臨樂遊苑採甘露宴郡臣立甘露亭于覆舟山焚文錦于雲龍門

九年七月己卯大雨震萬安陵垂表十二月新作東宮成十年三月震武庫六月大雨震八月改秦郡為義州九月立方明壇於婁湖以揚州刺史始興叔陵為王

官伯臨婁湖警衆十月罷義州及琅琊彭城立建興郡統六縣屬揚州同夏江乘臨沂湖熟與焉

十一年八月閱武於大壯觀命都督任忠帥步騎十萬陳於玄武湖都督陳景帥樓艦五百出瓜步江振旅而還十一月詔左衛將軍任忠都督北討前軍事帥步騎七千趣秦郡十二月秦郡陷于周周改為方州領堂邑方山二縣設六合郡統之尋置石梁省橫山入焉

十二年六月大風壞陳臯門中閏八月大雨霖詔原丹

陽建興等郡并謝署田稅

年九月夜大風至自西北發屋拔樹大雨雹遣將軍周羅睺取胡墅于隋隋廢六合郡其方州如故統堂邑尉氏方山

十四年正月陳主項俎始興王叔陵構逆屯東府城命左右斷青溪道又遣人往新林追其所部兵右衛將軍蕭摩訶帥馬步趣東府屯城西門叔陵欲趣新林為臺軍所獲伏誅太子叔寶立以長沙王叔堅為揚州刺史隋兵來侵遣使請和於隋歸其胡

墅四月自建康至荊州江水赤

陳後主叔寶至德元年隋置六合鎮於桃葉山

年起臨春結綺望儼三閣隋改尉氏縣為六合省堂邑方山併入仍屬方州

四年九月臨玄武湖閱武

陳禎明元年臨平湖開造太皇寺起浮圖未畢火從中起

焚之江自方州東至海赤如血隋崔仲方獻策云陳以伐隋主從之遂大作戰船且使投其梯於江中

二年四月有群鼠自蔡洲岸入石頭渡淮至於青塘兩岸數日死五月東冶鑄鐵有物赤色大如數斗自天墜鎔所有聲隆隆如雷鐵飛出墻外燒民居六月大風拔朱雀門濤水激入石頭淮渚暴溢漂沒舟乘又府城自壞青龍出建陽門井中湧赤霧十月隋命晉王廣秦王俊清河公楊素爲行軍元帥來伐廣出六合凡總管九十兵五十一萬八千皆受廣節度十二月緣江鎮戍相繼奏聞並不省

應天府志卷一終